




太平御覽


三十



内閣文庫	
番號	漢 1842
冊數	240 ( 30 )
函號	別 14 1








太平御覽卷第五十一

地部十六

石上



釋名曰山體曰石石磳磳也

磳音落

堅捍磳也山多大石曰礧

礧音

切礧學也大石之形學學然山多小石曰礧

王交切

礧堯也每石

堯堯處出也礧小石也

磊雷罪切

衆石也礧

枉浪切

文石也瑯玕石

似珠也

出尚書注

斌砮石似玉也

出廣雅

易曰困於石處於疾藜

石在水中所以為陰難

又說卦曰良為小石

書曰青州厥貢鈇松怪石

孔安國曰怪異好石似玉

又曰泗濱浮磬

孔安國注云泗水濱淮也水中見石可以為磬也

詩曰我心匪石維其高矣

又曰它山之石可以攻玉

禮曰昔者廿子居於宋見桓司馬自為石擲三年而不成

桓司馬米

向茂孫也名魁也

夫子曰若是其靡也死不如速朽之愈也又曰今夫

山一拳石之多及其廣大草木生之禽獸居之寶藏與焉

周禮曰王行洗乘石

乘石王所登上居之石也

又曰居有時而激

音勒石解散也

又曰大司寇以嘉石平罷民有罪者坐諸嘉石以肺石達窮民

允滂獨老幼欲復於上而未達者立於肺石

注曰嘉石文石也肺石赤石也

傳曰隕石於宋五隕星也

注曰值言星則嫌星使石隕故重言隕星

又曰齊高固入於晉師磔石以投入

又曰昭三年石言于晉魏榆晉侯問於師曠曰石何故言對曰石不

能言或憑焉不然氏聽濫也邠臣又聞之曰作事不時怨讟動

於民則有非言之物而今宮室崇侈民力彫盡怨讟並作莫保

其性石言不亦宜乎

春秋說題辭曰周湯良為山為小石石陰中陽陽中之陰陽精  
輔陽故山合石石之為言托立法也

史記始星二十年星墜于東郡至地為石或刻其文曰始星死  
而地分始星盡誅石勞人燔銷其石

又按說苑云石墮東郡是也

又曰王翦伐李信繫荊州兵數挑戰終不出又之翦使人問軍  
中戲乎對曰方拔石超距翦曰士卒可用矣

又曰張良見老人出一篇讀是則為王者師後十三年見我濟  
北穀城山下黃石即我也良後果得黃石而詞之及死并葬黃

石伏鵬祠之

又曰李廣出獵見草中石以為虎而射之中石沒鏃視之石也  
因復更之終不能復入石矣

後漢書曰梁鴻妻孟光有力能舉石曰

又趙政曰吾死後置一圓石墓前刻曰漢有逸人姓趙名政有  
志無時命也奈何

謝承後漢書曰吳郡媯皓父為南郡太守坐事繫獄皓懷小石  
至公卿門輒出石叩頭流血覆面父遂得免

東觀漢記曰涿郡太守張豐舉兵及初禮好方術有道士言為

天子以五綵囊盛石繫豐肘云石中有玉璽豐信之遂以反既  
當慚猶曰肘有玉璽推破之豐乃知被詐仰天嘆曰當死無所恨  
魏略曰梁州柳谷有石無故自崩石有文如率焉之壯後詞焉  
氏得天下之應

又曰太秦國為城郭山出九色玉石

魏志曰魏明帝增崇宮殿雕鏤觀閣鑿大行之石英綵穀城之  
文石起景陽山於方林園建昭陽殿於太極之北

又曰公孫度為遼東太守時生大石長丈餘下有三角石為足  
魏武帝末年鄴中兩五色石

王隱晉書曰求康元年襄陽郡上言得鳴石鍾聞七八里

石勒傳曰初勒鄉里所居原上地中石生日長類鉄之象

又曰陳總遷殿中侍御史詔遺詣終南山請石總先除小石祠  
佳存大石一所而祈之上文曰峩峩大石佐岳通理合滋土潤  
惠我四海

又曰孫子荆謂王武子曰當枕流漱石曰石非可漱流非可枕  
孫曰所以枕流洗其耳漱石所以礪其齒

晉楊秋曰董威輦遁去莫知所之於其寢所得一石及竹子并

詩二首

齊書曰虞愿為晉平太守海邊有越玉石常隱雲霧相傳曰清  
康太守乃得見愿往觀視清澈無隱蔽

南史曰到溉山池有竒礪石長一丈六尺梁武觀之輸焉即迎  
置華林宴居殿前移石之曰都下傾城縱觀所謂到公石

趙書曰劉耀築建德殿取土城西得圓石狀若水碓其名曰律  
推石重四釧同律度量衡有辛氏造議者未之詳或以為瑞叅  
軍續咸曰王莽侍物

後周書曰高琳母嘗被襖泗濱遇見一石光彩朗潤遂侍以歸  
是夜夢見一人衣冠有若仙者謂其母曰夫人向所將來之石

是浮磬之精能寶持必生令子其母驚寐便舉體流汗我而有  
姪及生子因名琳字季珉也

隋書曰帝令江都郡丞王世克發淮南兵繫劉元進有大流星  
墜於江都未及地而南逝磨拂竹末皆有聲至吳郡而落於地  
元進惡之令掘地入二丈得一石徑丈餘後數日失石所在  
唐書云車騎將軍劉山濤上言祖龍潛時數往來落效之莊合  
嘗踐子石靴迹見於石中至今猶在高祖令鑿之深寸餘其迹  
逾明乃止

又曰則天時有人於洛水中得白石數點赤詣闕輒進諸宰相

誥之對曰此石赤心所以未進孝昭德叱曰此石赤心洛水中  
餘石豈能盡反耶左右皆笑

又曰薛元起道衡孫也為中書舍人省有盤石初道衡為內史  
侍郎嘗踞而草制元起每見此石未嘗不泣流涕又曰露甘事  
敗王璠舉家無少年皆死初璠在浙西繕城壕後人掘得方居  
上有十二字云山有石石有玉有瑕即休璠視莫知其詣京口  
老人講之曰此石非尚書之吉兆也尚書祖名峯峯生礎是山  
有石也礎生尚書是石有玉也尚書之子名遐休休絕也庸非  
吉徵果赤族

老子曰落落如石

列子曰昔者女媧鍊五色之石以補天

淮南子又載

又曰趙襄子率徒十萬狩於山中籍方礧林燭赫百里有一人  
從石壁中出隨烟爐上下眾謂鬼物察之人也

孫卿子曰以桀詐桀猶有巧拙以桀詐堯若如投石

又曰負石而走赴河行之難為者也而申徒狄能之闕子曰宋  
之愚人得燕石於梧臺之東歸而藏之以為大寶周容而觀焉  
主人端冕玄服以發寶華遺十里縱中十襲容見之盧胡而笑  
曰此燕石也與瓦甃不異主人大怒藏之愈固



符子曰水生石未有吾山而溺者火生木未有抱樹而焦者

呂氏春秋曰石可破也而不可奪其堅

淮南子曰禹取塗山化為石在嵩山下方生啓曰歸我子石破  
北方而生啓

又畢禹術曰埋石四隅家無鬼取蒼石四枚及溺亡枚以挑孤射之乃取併埋弓矢四隅過無鬼殃

抱朴子曰白石似玉姦佞似賢

又曰磁石引針

又曰浮磬息音未別於衆石

又曰燒泥為瓦燔木為炭蜂窠為蠟水珠為浮石隨巢子曰禹

產於硯石啓生於石

王韶之云啓生即母此為石

六韜曰武王伐殷得二大夫而問之曰殷國將亡亦有妖乎其

一人對曰殷國常雨血雨灰雨石小者如鷄子大者如箕武王

曰大哉妖也

樂資春秋傳曰秦始皇使鄭容將入亟関見華山上有素車白

馬疑之鬼神熟視稍近問鄭容曰安之答曰之咸陽道遇鎬池見

曰吾華山使願託一牘書致鎬池君所子之咸陽道遇鎬池見

一大梓樹有文石以疑樹當有應者即以書與之鄭容如其言

以石欵樹果有人來取書

吳越春秋曰禹案黃帝中經見聖人所曰在乎九疑上東南號曰宛委承以文王覆以盤石其書金簡玉字禹乃退齋三日發石取書

荆楚歲時記曰張騫尋河源得一石視東方朔朔曰此石是天上織女支機石何至於此

神仙傳曰壺公內費長房於石室中頭上有大石方數丈以茅繩懸之諸蛇競齧且斷長房不移文撫之曰子可教矣

又曰介象字元則會稽人入山求神見谷有石子皆紫色大如

鷄子象取二枚見一美女被服五采象叩頭乞長生女曰急送汝手中物還着故處象送石還女授以還女丹方一首

列異傳曰豫寧女子戴氏久疾出見小石曰尔有神能差我疾者當事汝夜夢人告之吾將祐汝後漸差遂立祠名石侯祠益部耆舊傳曰公孫述時蜀武擔山石折任文公曰西州知士死我将死矣後三月果卒

韓詩外傳曰楚渠子夜行見寢石以為伏虎彎弓而射之沒金飲羽下視知其石也因復射之天摧無迹

漢書戴孝廣亦如之

文士傳曰

魏文帝之在東宮也宴諸文學酒酣命甄后拜坐者坐者咸伏

惟劉楨平仰觀之太祖以為不敬送徒隸簿後太祖乘步牽車  
乘城降閱簿作諸徒咸敬而楨坐唐石不動太祖曰此非劉楨  
也石如何性楨曰石出荆山玄巖之下外炳五色之章內秉堅  
具之志彫之不增丈磨之不加瑩氣質真正稟性自然太祖曰  
名豈虛哉

神仙傳曰白生者常煮白石為糧就白石山居故號曰白石先生  
穆太子傳曰天子升乎采石之山於是取采石鑄以成器于黑  
水之山

三齊略記曰始黃作石磴欲遇海看日出處時有神人驅石下

海石去不遠神輒鞭之皆流血至今石悉赤陽武山盡起立凝

凝東傾伏如相隨行

事具神部

盛弘之荊州記曰興安縣水邊有平

石其止有石擲石履各一具俗云越王渡溪脫履墮於土

郭緣住述征記曰秦梁北名也或云秦始皇東巡弗行舊道過

此水率百官已下人提一石以禱之俄而梁成今觀所累石無  
造之處也

搜神記曰常山張顥為梁相天新雨後有鳥如山鵲翔入市人  
擲之墮地人爭取化為圓石顥推得一金印文曰忠孝侯印

太平御覽卷第五十一

太平御覽卷第五十一  
地部十七  
西京雜曰竇太后在家嘗有白鷺御石大如指墮后續筐中后  
取石部為二其中有文曰母天地后乃合之逐不復開後為皇  
后併值璽中為天璽  
又曰五鹿充宗受學於弥成子弥成子少時常有人過已授以  
文石大如鷄卵成子吞之遂大明悟為天下通儒成子後病吐  
出此石授充宗充宗復又為明學

太平御覽卷第五十二

地部十七

石

西京雜曰竇太后在家嘗有白鷺御石大如指墮后續筐中后  
取石部為二其中有文曰母天地后乃合之逐不復開後為皇  
后併值璽中為天璽  
又曰五鹿充宗受學於弥成子弥成子少時常有人過已授以  
文石大如鷄卵成子吞之遂大明悟為天下通儒成子後病吐  
出此石授充宗充宗復又為明學

又曰漢武昆明池養魚往往飛去後刻石為鯨魚致水中乃不  
飛去每至當雨魚常鳴吼

顧凱之啓蒙記曰零陵郡有石鷲得風雨則飛如貞鷲

潯陽記曰石鏡東山一圓石懸崖明淨照人毫細必察

幽明錄曰宮亭湖邊傍石間有石數枚形圓若鏡明可鑑人謂  
之石鏡後人過以大僚一枚今不復明其人眼遂失明

庾仲雍湖州記曰應陽縣蔡子池南有石曰去是蔡倫紙臼

王歆之南康記曰歸美山山石紅丹赫若綵繪義秀上切霄隣

景明曰女媧石大風雨後天燈氣靜聞弦管聲

拾遺記曰負嶠山東有雲石廣五百里駁落如錦扣之片片翦  
然雲起

又曰魏明帝時太山下有連理文石高十二丈狀如枯樹其文  
色彪發似人雕鏤自下及下皆合百餘步及魏明帝之始稍覺  
相近如雙闕也上石陰類魏為土德斯為靈

交州記曰有浮石山在海中虛輕可以磨脚煮飲之止渴洞冥  
記元昇中條支國貢焉石以和九轉丹有髮白者以此石拭之  
應手而黑

顧野王端應圖曰石華者石生華也

劉澄之江州記曰興平縣蔡子池南有石穴深三百許丈石青色堪為書硯

蜀中記曰隗叔通棘人也性至孝母每食必須紅水通每汲江中石為之出令江中有石號孝子石十州記曰流州在四海中上多積石名為昆吾石治其石成鐵作鈕光明照洞如水精狀割玉物如切泥土馬

益州記龍盤山有一石長四十丈高五尺當中有戶及扉若人掩閉古老相傳為玉女房

石虎鄴中記曰孟津河東去鄴城五百里有齊北郡穀城縣有穀城山是黃石公所葬處有人登此山見崩玉中有文石石文鮮明虎使採取以治宮殿又免穀城縣令不奏聞故也

尋陽記曰落星石社宮亭湖中周迴百餘步高五丈上生竹木武昌記曰陶太尉廟東有盤龍石舊傳曰龍盤於此石

梁州記馮陽城沂漢上十五里有諸葛武侯所鎮在漢水南背山向水門前累石以為陣

荊州圖曰宜都有冗冗有二大石相去一丈俗云其一為陽石一為陰石水旱為災鞭陽石則雨鞭陰石則晴即廩君石是也但鞭者不壽人頗畏之不肯治丹陽記曰石頭城東有唐顏石

王敦害周伯仁之所又曰湖熟縣晉惠帝永寧二年湖中有大石去者二百步浮來登崖百姓驚觀咸曰未明年果有石冰入揚州

裴淵廣州記曰甘泉縣平野中孤石挺起峯秀入雲連相接無異棟宇

安城記曰石室中有素石數斛狀如雀頭甘潤虛脆殆可噉曹叔邪異物志曰豫章有石黃白色而理疎以水灌之便熱以鼎加其上炊足以熟冷則灌之雷煥以問張華華曰然石也

漢官儀曰馬伯第登太山見石二枚一是武帝時石周五車載

不能因置山中為屋號五車石一是刻號記功德立壇上

王昭之始興記曰勞口北有逃石一名靈石晉水和中有一飛仙衣冠自來憇此石上有乃去之

盛弘之荊州記曰臨賀郡有青石上有磨刀斧迹春夏明淨秋冬無穢云是雷磨石

入曰築陽粉水曰有一石下不測出地尺餘圍可三尺色極青其上如研明可以鑿人相傳以餘殞星縣西有孤石挺出其臨潭曠有見根者如竹根又曰樊重母為雷為石室避之悉以石為階砌今猶存又曰臨賀馮乘縣東五里有故縣廟相傳漢淮

南王安被誅其子奔送來之一夜忽化為石人當縣門而立百姓恠而觀之其迫察者手足無不瘡爛述異記曰鏡湖俗傳軒轅氏鑄鏡於胡邊今有軒轅磨鏡石石上常繫不生蔓草與地志曰會稽秦望山始皇刻石前有石廣數丈云是始皇坐之石兩邊有方坐八所云是丞相已下坐石故今有丞相石之名玄中記云尺下之強者東海之沃焦石焉方三萬里海水灌之隨盡故水東流而不盈

又曰玉門之西南有一國國中有山山上有廟國人歲歲出石

磻子林切數千枚為霹靂確從春雷而磻減至秋磻盡

鄱陽記曰錢倉石在饒州一百里石形如倉因昔漁人夜宿石下忽石開窺其石中有錢取之盈艇而去因為名

郡國志云乞子石在馬湖南岸東石腹中出示石西石復中懷一小石故楚人乞乞子於此有驗因號乞子石

又曰思州金鷄石每有金鷄色鳴於石上

又曰仙人石曾有仙人飛下此石一曰仙人林

又曰協州弄棟縣蜻蛤水下有石猪峯有石猪母子數十頭云夷人昔救於此猪化為石今夷人不敢於此牧猪

又曰儋州昌化湖明山山有二石如人形云有兄弟二人向海



捕魚因化為石號曰兄弟石也

又曰桂州興安鄉有卧石一枚其形似人而舉青黃隱起而謂之石人可以祈雨小舉則雨小大舉則雨大

又曰貴州有同也周十數夫下有石午時出池問歲旱民殺牛祈雨以血和泥塗牛即雨尽即晴以為桓馬嶺山嶠多虺蛇毒殺人者令石以可解之屑看瘡內即活

又曰梁州女郎山張魯女浣衣石女便懷孕魯謂邪淫乃放之後生龍二條及女死將殯柩車忽勝躍昇此山遂葬焉其水旁浣衣石猶在謂之女郎山

又曰郴州城七十里有話石山孤石特踈仙人於此處談話

與地志曰南陵縣有女觀山宿傳云昔有婦人夫官於蜀屢愆秋期憂思成傷登此騁望因化為石如人之所形牽狗亦為石今狗形猶存

博物志曰觀人鳥也伏卵時數入水卵冷取礬周圍繞卵以助煖氣

華陽國志汶山有鹹石煎之得鹽

異苑曰勝滕放大元初枕文石枕卧忽暴雨震其所枕傍人莫不攝而放微竟有聲

又曰末康王曠井上有洗石時見赤後有二胡寄宿忽求買之曠恠所以未及度錢子婦孫氏覩二黃鳥鬪於石上疾往掩取變成黃金胡人不知索氏逾急既得撞破內止有二鳥處劉敬叔異苑曰晉武帝吳郡臨平崖崩出一石鼓打之無聲以問張華華曰可取蜀中桐材刻作魚形扣之則鳴於是如言之聲聞數十里

異物志曰夷州土無銅鐵磨礪有石以作弓矢此石若拈矢之類物理論曰土精為石石氣之核也氣之生石猶人筋絡之生爪牙也博物志曰菴林成弘農湖縣休牛之山有石焉曰帝壺之墓也

五色而文收鷄卵焉

遊名山志曰芙蓉渚有聳石頭如初生芙蓉色皆青白山海經曰燕山多嬰石言似玉有采嬰帶所謂燕石也又曰鉄耒之山多洗石若滌洗可以磔去垢也

水經注曰象林郡功曹郡姓區有子名連攻縣殺令自號為王值世辭亂離林色遂立後乃襲代傳位子孫三國鼎爭未有所附吳有交土與之隣接進侵壽冷以為壘界自區連以後國無文史先其篡代世數諒宗撤滅絕無復種裔外孫范熊代立人情樂推後熊元子逸立有范文曰南西捲縣夷師雅夷奴也為

文奴時山邊牧羊於間水中得兩黥魚隱藏持規欲私食即知  
檢其魚大慙懼詐云將礪石還非為魚也即知魚所見是兩石  
信之而去文始異之石有鉄文入山中就石治鉄鍛作兩刀奉  
刃向彰因呪曰鯉魚變化治石成刀斫石彰破者是有灵神文  
當治此為國居王斫不入者是無神靈進斫石彰如彰淵千將  
之斬蘆蒿由是人情漸附今斫石尚在魚刀猶傳于孫  
又曰濃水出武陵沅縣東迳臨濃零陽二縣故界水之南岸白  
石雙立厥尚數人高各二十六丈周四丈古老相傳言昔沅縣  
尉與零陽尉共論封陵因相傷害化而為石

劉義度幽明録曰陽羨縣小吏吳龕有主人在溪南嘗以一日  
握頭舡過水溪內見一五色浮石取內床頭至夜化成一女子也  
又曰宜都建平二郡之界有五六峯參差玄出上有倚石如二  
人像攘袂相對俗謂二郡督郵爭界於此楊雄蜀本記曰秦王  
敝五美女於蜀王蜀王遣五丁迎五女見大地入山空中五丁  
引地山崩五女工山為石

又曰武都夫夫化為女子于顏色美好蓋山之精也蜀王取以  
妻與幾物故於成都郭中葬之以石鏡也枚徑一丈高五尺  
鄧析書曰譬猶極溺而砥之以石救火而投之以薪世說曰武

昌陽新縣北山上有望夫石狀若人立者傳云昔有貞夫其婦  
從頭遠赴國難携弱千錢送此山山望而化為石

兵書曰軍中地生石將可以久居

史記曰以石投水莫之逆也

雜五行書曰婦姑鬪爭取石重六十斤埋門外即罷荀伯子臨  
川記曰石原狀似倉廩其內可容千斛廩口則歲儉閉則豐年  
又曰石龍山有巖其下有石形隱起似龍頭尾長一丈二尺  
地理記曰有鱗甲因號為石龍

又曰石鼓在宜黃水邊狀如鼓形闊九尺長一丈四尺四寸

又云圓爭如鼓因以鼓為名焉

又云破石高五丈在宜黃水邊

又云有女人水次浣濯為蛟所牽入石中經數日雷擊石破見  
死蛟及女人屍浮出因號為破石

又曰浮石其石居汝水中心或水汎漲高崖皆沒此石居然不  
沒因以為名之

又曰落峭石去飛猿館一百一十五里在飛猿水魏我巖空數  
里可望即謝靈運詩云朝發悲猿嶠暮宿落峭石是其處也

始興記云營日東岸有石四方而可高百仞其狀若臺故名臺

石又林水出焉其臺旁有石室室前盤石上行列十甕皆蓋以青盆志是銀製有人過者但得開觀而不可取之則悶絕若死封丘之奴竊二枚為大蛇所害即不知其自

永嘉元曰永嘉南岸有帖石乃堯之神人以破石推將入惡溪道次之置溪測遙望有似張帆今俗號為張帆溪與天台山相接又郡國志曰東海信即神破石為帆今陳海有信即祠即是

太平御覽卷第五十二

太平御覽卷第五十三

地部十八

丘

陵

阪

陁

峽

岡

丘

說文曰丘土之高非人所為丘字從一一地也人居在丘南從北中拜之居在崑崙一曰四方萬中央丁象形也詩曰送子涉淇至於頓丘

又曰子之蕩兮苑丘之上兮

又曰崇丘萬物得極其高大也

又曰揚園之道猗於畝丘

又曰綿蠻黃鳥止於丘隅

又曰丘中有麻彼雷子嗟

禮曰太公封於營丘比及五世皆反葬於周君子曰樂樂其所

自生礼不忘其本古之人有言曰狐死正丘首仁也正丘者正直丘也仁

恩也

又曰公叔文子升於瑕丘蘧伯玉二子衛大夫文子曰樂哉斯丘也

死則我欲葬焉蘧伯玉曰吾子欲之則瑗請前利其欲害人良田也溪伯玉也名

又曰為高必因丘陵為下必因川澤

周禮曰丘陵其動物宜羽物其植物宜覆物其民專而長傳曰

車脫其輓火焚其旗不利行師敗于崇丘

春秋元命包曰堯為天子秋季夏甸夢曰帝遺吾焉喙子其母

為扶始昇高丘賭白帝上有雲虎之狀滅已生臯陶

春秋記題詞曰丘者墓也

又曰丘氣輔氣元士扶化

爾雅曰丘一成為敦立成猶重周礼曰為壇三成今必東乎也高惟者敦舊音頓再成銳上

為融丘三成為崑崙丘崑崙山三重形如累三孟如乘乘丘形似車乘如渚者渚

丘水中小者為渚水潦所止泥丘頂上方胡丘形四方絕高為之京人

所非人之為曰丘地自水潦所還曰將丘官音謂丘邊有上正

章丘頂澤中有丘都丘在水當塗梧丘塗塗出其石而還之重

丘言為道途出其前戴丘道出塗出其後昌丘道出水出其前

渚丘水出其後沮丘水出其右正水出其左營丘今濟之營丘

及如覆敦者敦丘遷迤沙丘左高咸丘右高臨丘前後旄丘後

高陵丘偏高阿丘丘上有丘為負丘中央隆峻狀如右澤定丘

右陵秦丘宋有秦丘如畝畝丘丘有壟如陵陵丘丘上有丘為

宛丘陳有宛丘今在陳淮有潛丘今在大陽縣淮南有州黎丘

今在天下有名丘五其三在河南二在河北說以多以州黎宛

壽春為河北者東北方稱天下之名丘恐此諸丘碌未足用

廣雅曰小陵曰丘

又曰丘上有木為必丘

穆天子傳曰天子昇於崑崙之丘以觀皇帝之官郭璞注曰黃

登崑崙山起宮室於其山

又曰天盛姬謚曰哀淑人之丘天子名之為丘是曰淑人之丘

乙丑天子東征舍乎五鹿叔姓七稱且哭思盛姬山姓是曰女

姓之丘因以名五鹿也丁卯

山海經曰崑崙之丘實惟帝之下都

莊子曰魏靈公死卜葬於故墓不吉卜葬於沙丘而吉掘之數  
仞得石擲馬洗而視之有名曰不憑其子靈公奪而埋夫靈公  
之為靈久矣

淮南子曰堯時有大風為民害乃繳大風於青丘之野

許慎注曰大風

大鷲鳥也

文子曰川竭而谷虛丘夷而泉塞

越絕書曰闔閭冢在吳縣昌名門外名曰虎丘下廣平六十涉  
水深丈五尺銅槲三重王鳧之流扁諸之劍在焉辛十萬人治

之取土臨河葬三日白虎居上故號曰虎丘

東方朔十洲記曰長洲一石青丘在南辰巳地地五千里去岸  
二十五萬里饒山川又多大樹樹有二千圍者一洲之上專是  
林木故一名青丘仙草靈藥其夜玉英靡所不有

齊地記曰營丘在林淄小城內古以為齊石也丘下周三百餘  
步高九丈北廟下隆丈五造井水深七餘井與地平

伏韜北征記曰博望城內有成湯伊尹箕子冢今皆為丘  
述異記曰南海中有軒轅丘焉自歌鳳舞古云天之樂也

郡國志曰濮陽縣本顓頊之城今謂之帝丘夏后之代昆吾居



之春秋衛遷于帝丘夢人登昆吾之墟是也

又曰濮州初徒陶於乘丘故縣掘得漆盃二底內有宋書曰乘  
丘既見風曰靡然爛碎矣

陶令定陶

外國圖曰員丘之上有不死樹

食之乃壽有赤泉飲之不老肖丘多大風無人氏都大居之青  
丘之氏食穀衣野絲去瑯琊萬二千里丘有穴其光照千里  
去瑯琊三萬里

陳番風俗傳曰雍丘縣有五陵之丘以故名縣酈善長注水經  
曰沮水西逢楚昭王墓東對江陵城故王仲宜之賦登樓云西  
接昭丘是也

又曰隋縣有斷蛇丘隋侯出見蛇中斷因舉而藥之故謂之斷  
蛇丘

又曰鞏縣北有山林河謂之岑原丘下有穴謂之鞏穴言山前  
通淮濟北達於河直穴有渚謂之鮪渚十道志云岑原丘左縣  
西北三十三里

陵

釋名曰隆陵也體陵高也

易曰天儉不可升地儉山川丘陵

又曰躋於高陵三歲不覩

詩曰鳩彼飛隼率彼中陵

又曰高岸為谷深谷為陵

禮曰五月可以居高明可以遠眺望可以處臺榭傳曰蹇叔送

其子曰轂有三陵其南陵夏后臯之墓之北陵文王之所避雨也

春秋說題辭曰陵之為言稜也輔山成其廣層稜扶推益厥長也

孝經授神契曰德至山川丘陵則景雲出朱均注曰景雲應爾

雅曰大阜為陵

又曰東陵阬所陳南陵息慎西陵威夷中陵朱勝北陵西隄鴈

是也陵莫大於加陵梁莫大於淇梁坟莫大於河坟謂之八陵音戌

穆天傳曰天子東遊次于崔梁曝蠹書于羽陵

莊子曰盜跖死於東陵之上

又曰步仞之丘陵巨獸無所隱其軀而孽孤天子東征鈞于隄

水祭淑人是日祭立為之降

呂氏春秋曰九葬必於高陵之上以避狸狐之患水泉之濕此

則善矣

揚子法言曰百川學海而至於海丘陵學山而不至山是故惡

夫住之

魏子曰堯入百仞之溪則不照三里非矇闇位卑勢下故也桀

紂昇百丈陵能見四海非照明位高勢尊故也

十洲記曰崑崙陵即崑崙山也西海之戎地北海之玄地去國中十萬里有弱水故匝繞山

吳錄曰張紘言於孫權曰秣陵楚武王所置名為金陵秦始皇時望氣故掘斷連崗秣陵

物理論曰地者鎮之以五岳積之以丘陵

阪

詩曰阪有漆隄有粟

爾雅曰坡者曰阪

郭璞注曰阪地不平也

史記曰漢文帝嘗從霸陵西馳下峻坂表盜攬轡上曰將軍怯

也臣聞千金之子不垂堂百金之子立不倚衡今聖主乘危馳

不測之淵如馬驚車敗柰高廟何上乃止

漢書地理志曰河東蒲坂縣故曰蒲大更名

應劭曰秦始皇東巡見有長攻孟康

曰本屬晉文公以賂秦秦人還蒲魏人喜曰蒲反也

漢書曰王陽為益州至叩轅

蒲此切

坂九折漢曰柰河以先人之

遺體乘此儉乎遂以病去及王遵為刺史至此坂問吏曰此非

王言陽所謂道耶叱其馭馭之曰王為孝子王遵為忠臣

應劭注曰

坂在嚴道縣界

漢書曰西域傳曰西域有赤王身熱之坂上即今人身熱無色  
頭痛嘔吐

續漢書地理志曰河東大陽縣有顛軫坂

蜀志曰先主至當陽之表坂為曹公所追敗

王隱晉書曰孫登揚駿逼迎之與語不答賜有袍登借乃截斷  
棄門中大呼云刺斫卒病死後人見在貴馬坂

穆天子傳曰天子南還昇於長松之坂

郭漢注曰  
坂有長松

酈善長注水經曰洛水東逕九曲其地千里有九之曲穆天子  
傳所謂天子西征升九河是也

又曰河水東逕旋門坂北今城臯西大坂是也昇陟此坂而東  
趣成臯城

列女後傳曰呂萊者吳都許之妻也昇為賊所害萊貞固自守  
黃金賊陳寶欲干穢之萊執節不聽寶遂殺萊是日疾風暴雨  
雷電晦明寶恐懼叩頭謝葬之而去襄府君聞萊高行遣主簿  
祭之又出錢助縣為冢於嘉興郭里嶼此名曰義婦坂

華陽國志曰有牛叩頭坂馬搏頰坂其險如此

晉太康地記曰常山曲陽縣有恒山坂號飛孤口上壺關縣有  
羊腸坂

地理志曰函谷東坂謂之八特坂

述征記曰黃卷坂者傍絕潤以昇潼關長坂十餘里九坂皆迤  
邐長坂東京賦曰所謂西阻九阿者也戴延之西京賦曰黃坂  
去終南六十里少華山西任豫益州記曰汶江水源出玉輪坂  
下今屬汶江郡東北三十里

古今地名曰宜軫坂在鹽池東吳城之北今之吳坂新序曰趙  
簡子羊腸之坂群城推車宗會獨當戟行歌簡子曰人臣而侮  
其主其罪若何宗謂曰其罪死君亦聞人君而侮其臣乎則知  
者不為謀辯者不為闢則其國危乎簡子曰善以宗會為上客

郡國志曰雍州咸陽縣北十五里長平坂漢武帝幸甘泉馳道  
有蟲覆地赤如生肝問東方朔朔曰秦獄地冤氣臣聞酒能消  
愁以酒澆之果銷矣

陁

爾雅曰山絕曰陁

郭璞注曰連山中斷者也

漢書曰趙王成安君陳餘聞漢且襲之聚立井陘口彌二十萬  
穆天子傳曰天子北征乃絕漳水至於餅山之下

郭璞注曰耶非餅山今在

常山石邑鄉

幽徑記曰燕周間允厥山路名之曰陁井陘在常山水經注曰

丹山在丹陽屬巴州山西即巫山者也帝女居焉宋玉所謂我  
帝之妾季女曰瑤姬未行而七封寸巫山之陽高唐之岨旦為  
雲暮為雨朝朝暮暮陽臺之下旦朝視之故如其言故為立廟  
號朝為馬其間首尾一百六十里謂之巫峽蓋因山為名也

盛弘之荊州記曰舊云自云峽取蜀數千里中恒是一山蓋此  
好大之言也唯三峽七百里中兩岸連山路無闕處重巖疊嶂  
隱天蔽日自非停午夜分不旦月至於夏水襄陵汾沂阻絕或  
王命急宣宣有特去朝發白帝暮至江陵其間一千二百里雖  
乘奔御風不為疾也春秋之時則素湍淪潭迴清到影絕巖多

生檉栢懸泉瀑布飛其間清榮峻茂良多趣每晴初霜旦林寒  
澗蕭常有高猿長聳屬引凄異空岫傳嚮哀轉久絕故漁者歌  
曰巴東三峽巫峽長猿鳴三聲淚沾裳

又曰南岸有重嶺疊起最大高岸間有名色如人負刀牽牛人  
黑牛黃成就分明此岸牦大如江湍縈紆迴途經宿猶望見之  
行者歌曰朝發黃牛暮宿黃牛三日三夜黃牛如故

庾仲雍荊州記曰巴陵楚之世有三峽明月峽廣德峽東突峽  
即今之至峽秭歸峽歸鄉峽

袁山松宜都記曰巴陵楚之世有三峽高山重彰非日中半夜

不見日月猿鳴至清諸山谷傳其聲冷不絕也

王昭之始興記曰宿縣有觀碛橫岫交枕絕崖崿護水有口  
貞女碛碛西岸水際有石如人形高可七尺狀如女子是曰貞  
女父老相傳秦世有女數人取螺於此遇風雨晝昏而化為此  
石鄧得明南康記曰雩都碛其水常自激通奔如轉輪郡國志  
曰南鄉碛碛西八十里有巴鄉村善釀酒故俗稱巴鄉酒也村  
傍有溪溪中多多壽木也

水經注曰涇陽觀碛下有廟世人以為河伯晉時縣人有使至  
落者使其將還忽有一人寄其書云吾家在觀前石間懸藤即  
其處也但扣藤自當有人取之使者依其言果有二人出外取  
書并延入水府衣不霑濡

又曰續漢書曰虛詡為武都太守卜辨東三十餘里有峽碛中  
白水生大石鄣塞水流春夏輒潰溢敗壞城郭詡使人燒石以  
醋灌之皆淬裂因鑿去焉遂無泛溺之害

又曰涇水東南逕都盧山山路之中常有如彈箏之身行者歌  
舞樂而後去即弦歌之山也故謂此山碛謂彈箏碛隴西記曰  
襄武有錦鏡碛即黑水所經其碛四望花木明媚照影於其中  
因以稱之也峽程記曰瀘合遂蜀四郡皆碛之郡自蠻江桔栢

沱遵等江至此二百八十江會于破前次荆門都四百五十灘  
即有清水重岑河灘忽雷閃電吃灘瀨灘狼尾使君主簿皆使  
君主簿沉舟之所遂為名其他不悉記之三破者朗明月破仙  
山破廣澤破其有瞿塘灩澦鷺子屏風之數皆不預三破之數  
李膺益州記曰廣陽州東七里水南有遮要二埕石石東二里  
至明月破破前南岸壁高四十丈其壁有圓孔形如滿月因以  
為名也

崗

釋名曰崗元也在上言之

詩曰涉彼高崗我馬玄黃

又曰如山如阜如崗如陵

又曰謂山蓋高為崗為陵

又曰陟彼崗矣瞻望兄矣

尚書曰火炎崑崗玉石俱焚

爾雅曰山脊曰崗

山謙之丹陽記曰句容縣東三十五里有龍崗崗頂有沸渾潭  
周迴十二丈聞人声水便沸動不聞不誦也

王韶之使輿記曰郡西南有芙蓉崗高若玉仙隣枕郊郭周迴



連亘四十餘里

又曰滄海縣白鹿城南有白鹿崗晉咸和中郡民張鮑作令著  
惠有白鹿遊崗因以為名

雷次宗豫章記曰洪井西有龍崗舊說洪岸洗生兼鷲所憩處也  
顧微廣州記曰四會有金崗行人徃徃見金於崗側

裴淵廣州記曰城西北五里續大崗直上百尋石為越王冢吳  
朝掘覓尉他墓竟無所見於天井崗得六王璽一小車州城北  
有馬鞏崗秦時瞻氣者南方有天子氣始皇發民鑿破此崗地  
中出血今鑿處由在增城縣有雲母崗日出照之晃曜

武昌記曰城北有崗高數丈名曰鳳關其處顯敞昇關以望州  
澤多所遠瞻吳黃龍元年有鳳凰隻此崗故謂之鳳關關鳳南  
十里有金牛崗古老相傳云有金牛出此崗崗金半崩坑深數  
丈金牛躍出踐崗迹猶存

王妥城記曰萍鄉西津南五里山名崗天氣將雨水輒先誦出  
石門而有五里色玄黃百姓謂之玉女披衣

鄧德明南康記曰陳蕃墓在青龍崗上人傳云昔見一物龍形  
而通身絕青數出崗頂及山遂故言名青龍也

又曰顛縣馬春崗在縣西其形高春故以為名也

任端木江陵記曰州城北五十四里有楚平王家技江夾竹崗  
又云平王家周迴數百步未知孰是

荊州記曰零陵郡東南有黃溪黃溪西有楚石崗

衡山記曰衡山有曾青崗出曾青可合仙藥有靈壽崗有靈壽  
木週迴數十里芝草崗有神芝靈草

郡國志曰久番崗音太守謂風罷郡還京故老送別久番此崗  
又曰顯朝崗在鬱平縣陸續制渾儀處

隋圖經曰歷陵縣西十里有石子崗寶山也而高大有冢如硯  
子世謂研子冢是趙簡子冢也石虎令人發之初得炭深一丈

得連木板厚高八尺次得流泉水水色清冷非常以牛皮為囊  
作絞車以反之一月而水無極乃止築城繞之氣成樓關

酈元注水經曰蓼水出襄國石井崗崗上有井大如輪隋區字  
圖志云此井光武營軍所鑿傍有聚荆棘生皆蟠縈如人手結  
云是光武繫馬處又石勒時天旱沙門佛圖澄於此崗掘得一  
死龍長丈餘濟之以水浪久乃蘇尋祭之龍騰空而上天雨即  
隆因名龍崗

鄱陽記曰大雷崗在縣東北後漢雷義子仲公所居又有小雷  
側

又曰雷煥所居之處

太平御覽卷第五十三

太平御覽卷第五十四

地部十九

巖

亢

谷

嶺

巖

說文曰巖者崖也山邊謂之崖

書曰高宗夢得說使百工求營諸也得諸傳巖

孔安國注曰使百官之所夢之

邢像經營求之外野得之於傳巖之溪

晉書曰詐詢私居臯屯之巖常於沙門支遁及謝安石王羲之等同遊往來合臯屯呼為許度巖

齊書曰徐伯珣宅南九里有高山班固謂之九巖後山漢龍丘  
萇隱處也山多龍湏桎栢望之五采世呼為婦女巖盛弘之荆  
州記平樂縣有山臨水巖間有兩日有眼極大瞳白黑分明名  
為日巖又曰始興穢山東有兩巖迴向鷓尾石室數十所行過  
者皆聞有金石絲竹之聲

南康記曰拂道士葬巖室臨終語弟子等可送吾尸置彼石室  
下仰褐香炉此外無所湏也葬數年尸猶儼然今舟行者過其  
山渚長聞香氣咸歎異焉

水經注曰層山石室中有積書卷矣而世士罕有達者因為之  
積書巖

鄱陽記曰香巖在貴溪縣東五里舊名腥腥巖昔術者許棋陽  
斬蛟於此巖下因此名言馬又以板塞巖口尋蛟潛通洪州橫  
泉井每至大景澄霽見水底板木存焉後惡人其遂改焉

又曰戈陽嶺上多密巖元嘉中有人見其巖凶有又鐵護可從  
百斛中生蓮花他日往尋不知所在

穴

說文曰穴者室也

易曰上古穴居而野處後世聖人易之以宮室

詩曰穀則異室死則同穴

禮記曰令曰季秋之月蟄蟲在穴內皆瑾其戶

瑾謂塗開之也  
避殺氣也

史記曰司馬遷登會稽山探為穴

范曄後漢書曰光武郭皇后父昌生后反生子况遷大鴻臚賞

賜金錢綿帛豐盛莫比京師號况家為金穴

山海經曰熊山有穴曰熊穴恒出神人夏啓而冬閃是穴君若

冬啓而夏閃乃必有兵

郭璞曰今鄆西有鼓山二有石鼓象者  
旁鳴則有軍事與此穴殊象而相應

莊子曰越人三世殺其君王子搜患之逃於丹穴越人無君從

之丹完王子搜不肯出越人燻之以艾承以玉輿

淮南子曰治鼠穴而壞里閭

水經注曰昔巴蠻有五姓未有君長具事鬼神乃共擲劍於石

穴約能中者衆奉以為君巴氏子務相乃中之又合令乘土舡

約浮者當以為君惟務相獨浮因共立之是為廩君

又曰江陵有駕部口有宋文帝車駕車駕陵至北黑龍躍出負

帝乘舟左右失色土謂長史王曇有曰此乃夏禹所以受天命

矣我何德以堪之故穴為龍穴焉

又曰夏平縣有重山即裂山也下有一穴父老相傳是神農所

生處

又曰大洪山巖嶂皆數百許仞入石門又得鍾乳穴穴上素崖  
立非人跡所及穴中多鍾沉凝膏下垂望齊立雪微微津細液  
滴瀝不啻潛遠行者不極

風土記曰大湖中山有涸穴傍有地中無所不通謂之洞庭  
續搜神記曰長沙醴陵縣有小水有二人乘舡取樵見崖下土  
穴中水流出有新斫木片逐水流上有深山有人迹異之相謂  
曰可試入水中看何由尔一人便以笠自鄣入穴穴纔容人行  
數十步便開明朗然不異世上

外國圖曰風山之首高三百里風穴方三十里春風自此出也

又曰神丘有火穴其老照千里去瑯琊三萬

荊州圖記曰廬縣有馬穴山傍有地道漢時常有百匹馬出其  
中形皆小似滇池馬今遂名其處曰馬穴

又曰縣北九十里有趙屬山傍有石臺高十五丈三丈有穴深  
一里內甚平整虛寂謂之仙穴

錢塘記曰靈隱山有石穴傍入行數百步有水廣丈餘昔有采  
鍾乳見龍跡間穴裏搔搔有聲出宜都記曰佷山縣有文石穴  
平居無水有渴者至請乞輒得水戲乞則不得

又曰自西陵北行三十里有石穴馬穴嘗有白馬出食人逐之

入穴潛行出漢中漢中人失馬亦嘗出北穴相去數里

武昌記曰蕪菁山有龍穴其水深闇少得入者人採鍾乳乘火而入下有水深數尺多有蝙蝠來撲火

江乘地記曰西南三十里木芦山有鍾乳穴

鄭緝之東陽記曰北山西崖有石床流水澆灌側又有石田如稻田云堂裏有洞穴有人常入此採入十餘日糧絕而穴不可窮王昭之神記曰滎陽郡有孤山直長百餘丈東北東二穴寥寥然者杳然便是雲霞館矣

又曰滎陽北三十里有何家巖傍有一穴如入幽峽而甚闇昔

有採鍾乳者至此見有書三卷枝

潯陽記曰赤山下有石穴有人取鍾乳者經宿不知所窮水恒流出深處浮乃得過得數里輒見有光明聞裏有聲若霹靂此人方遽出竟無以測遠近有仙鼠常撲火

鄧德明南康記曰西南有通天穴四壁石色似書文六象下有石床有石子弹丸聚有一角

又曰平固縣西覆笥下有洞穴穴口可廣五六尺高五尺餘昔有人採鍾乳深入為溟不得出遂留住宿忽有頭上有篙舡之聲北征記曰如熟有井山有穴與江通

吳郡臨海記曰虞縣有穿山下有洞穴昔有在海中行者牽帆  
從穴中過

盛弘之荊州記曰宜都琅山縣有山山有風穴口大數尺為風  
井夏則風出谷有風入樵人有冬過者置笠穴口風吸之經月  
還涉長陽溪而得其笠則知溪穴潛通

玄中記曰蜀郡有青城山有洞穴分為三孔西北東崑崙  
婁地記曰太湖東小山名洞庭純石嶠巖木唯松柏山三穴東  
頭北面一穴不容人西頭南面一穴亦然並有青泉流出西北  
一穴偃樓終得入穴外石盤礫形勢驚人穴裏如一間堂屋上

高丈餘恒津潤四壁石青白色南壁間處側有得入潛行二道  
北通琅琊東通武縣西通長沙巴陵湖吳大帝使人行三十餘  
里而友云上聞有良声有大蝙蝠如鳥拂殺入大穴中高處火  
照不見穴有鸞管鍾乳水寒可得入春夏不可入

郡國志曰虔州滄山夢水出馬有石室金色號為金穴室內常  
金鼠出入

又曰瓜山常樂縣縣有風穴恒以大石棧之若開暴雨起連日  
又曰隋州有龍穴潛通于海傍于洞庭

吳郡賦曰因龍川而帶响是也



又曰號州楊震宅西有龍望原南崖有太尉公藏書穴太元初  
人入見古書二十余卷焉

會稽記曰郡有禹穴案漢書司馬遷傳云上會稽探禹穴又有  
禹井也

楊都云入洞穴出蒼梧注云在零陵言人從禹穴入至蒼梧出也  
周地圖記曰順政郡丙穴以其口向因以為名沮水經穴間而  
過或謂之大丙水每春三月上旬復有魚長八九寸或二三日  
聯綿從穴出躍相傳名為嘉魚即左太冲蜀都賦所謂嘉魚出  
於丙穴是也

武陵記曰鹿山有穴昔宋元嘉初武陵溪蠻入射鹿逐入一石  
穴穴見有梯在其傍因上梯豁然間朗桑果靄然行人翔翔不  
似戎境此蠻乃批樹記之其後尋之莫所處

### 谷

說文曰泉通川曰谷

易曰入于幽谷三歲不覿凶

詩曰葛之覃兮施於中谷唯葉萋萋

又曰惴惴小心入臨于谷

又曰伐木丁丁鳥鳴嚶嚶出自幽谷遷于喬木

又曰皎皎白駒在彼空谷

爾雅曰水注溪曰谷

蜀谷曰谷口今之斜谷是也

左傳曰莫敖縊于荒谷

盛弘之荊州記曰  
今竹林是

唐書曰王龜字大年性簡談蕭灑不樂仕進少以詩酒琴書自適不從科試京城光福星起第兄弟同居斯為宏敞龜意在人外倦接朋游乃於永達里園林深僻處創書濟吟哨其間目為半隱亭及從父起在河中於條山谷中起草堂與山人道士遊老子曰谷得一以盈谷無以盈將恐

又曰江海能為百谷王者以其上下之也故能為百谷王

又曰知其辱為天下谷

桓子曰昔齊桓公入谷間父老曰此何谷荅曰謂臣愚因名為愚公谷

風俗通曰南陽酈縣有甘泉谷水美云其山上有菊花水從山中流下得其滋液谷中三十餘家不復穿井仰飲此水上壽者一百二十中者百餘歲

漢武故事曰上微行至栢谷宿於逆旅

劉向別錄曰方士傳言郟術在燕有谷地美而寒不生五谷郟

子居之次律而溫氣至而生忝谷今名忝谷

博物志曰夏桀之時為長宮於山谷之中三旬不出大風揚以  
一夕填此宮谷也

虞書安天論曰日月行於飛谷謂地中也不聞列星復流於地  
且谷有水躰日為火精水火共器得無傷日之明乎

水經注曰今居縣南北塞外瓦街容水文成龍試撓破之尋於  
成龍畜生將飲皆畏而走又燉煌西有馬啼谷漢武帝聞大宛  
有天馬遣李廣利伐而得之甚以為奇故賦天馬之歌

秦州記曰古有神婦負土欵塞谷繩絕墜負神木因成二樹其

### 大數圍

尋陽記曰廬山西南有康王谷又北嶺有劉成谷又欵兩輒聞  
鼓角簫茄之聲

戴延之西京記曰梓澤去洛城二十里澤在金谷之中朝賢所  
集賦詩是石崇所居

郡國志曰武都沮水之西有角弩谷即蜀將姜維巢王部溪虎  
之所

又曰王喬木俗謂大公即王喬所隱處谷有喬堂歲帝祀之  
雲南記曰龍谷水出雲陽宮東南

又曰鄭泉云漢時鄭朴字子真隱於谷口不屈其忠耕於巖石之下名震京師時人亦因子真所居以為名也

又有治谷封禪書所謂谷口是也去雲陽宮八十里出鉄冶鑄之所因以為名入谷便流潦沸騰飛泉激兩岸峭壁孤豎盤橫枕谷口稟然凝沍常入八九月中朱明盛暑當晝暫暄涼秋晚候温袍不暖所謂寒門也

又曰入治谷二十里有百里槐樹北有泉名曰金泉按此處猶存金泉西南北步谷有今有毛原監也

十道志曰大谷在鞏縣東五里

張衡東京賦曰孟津達其後大谷通其前

陳思王洛神賦曰經通大谷

潘岳閑居賦曰張公大谷之梨皆謂此也

嶺

廣州記曰有五嶺大廈始安臨賀桂陽揭陽是也

南康記曰秦始皇路定揚越謫戍五方南守五嶺第一塞上嶺

即南康大廈嶺是第二騎嶺今桂陽郡臘嶺是第三都龐嶺今

江華郡表明嶺是第四毗渚嶺亦江華郡白芒嶺是第五越城

嶺即零陵郡南臨源嶺是

談藪曰光州西北有一嶺高峻北臨滄江齊尚書郭崔挺遷光州於嶺上欲立觀字故老云北嶺秋夏之際尚有暴風迅雨巖石尽洛相傳云是龍道不可久立挺曰人神相去向遠之有虬龍條忽豈准一路乎遂營之數年果無風雨之患挺還歸尋為雷風所毀後不能止

吳地志曰南野縣有大度嶺通廣州

晉大康地志嶺峻阻螺轉上踰九磴二里至頂下七里平行十里至亭一名橫亭一名塞上嶺

建安記曰建安縣有禱嶺與泉州分界吉嶺高禱而方過又有

飛猿嶺喬木造天猿猴之所飛走故曰飛猿嶺


欽州尚經曰海寧有云嶺有木石糖出樹空石罅中百姓每採之

又曰黟縣有墨嶺上有石如墨色軟賦士人以取為墨

又曰婺源有甘子嶺此地本無甘樹唯此忽有一株因以為名輿地志曰東陽畢嶺之下有錢嶺往往人於此嶺下獲大錢俗謂之嶺錢

又曰贊皇縣有孔子嶺上有石堂寬博其石相拒若楹柱有石人象執卷之狀

雷次宗豫章記曰西山中峯最高頂名鶴嶺即子喬控鶴經過



之所壇在鶴嶺之側雲景鮮美草木秀閏異於宅山山側土名  
控鶴鄉

太平御覽卷第五十四

*[Faint bleed-through text from the reverse side of the page, including characters like '太平御覽' and '卷第五十四']*

